



Bosnia and Herzegovina  
Federation of Bosnia and Herzegovina

**CANTON SARAJEVO  
ASSEMBLY**

Na osnovu člana 6.Zakona o javnim priznanjima Kantona Sarajevo („Službene novine Kantona Sarajevo“, – Prečišćen tekst broj 2/10), Skupština Kantona Sarajevo na sjednici održanoj dana ,donijela je

**PRIJEDLOG**

**O D L U K U**

**O VERIFIKACIJI ODLUKE O DODJELI PLAKETE KANTONA SARAJEVO**

**I**

Skupština Kantona Sarajevo verifikuje Odluku o dodjeli Plakete Kantona Sarajevo, **JU Sarajevska filharmonija**, kao priznanje za izuzetan doprinos razvoju muzičke kulture i umjetnosti u zemlji i svijetu.

**II**

Ova odluka objavit će se u “ Službenim novinama Kantona Sarajevo”.

Broj:

**SARAJEVO**

**PREDSJEDAVAJUĆI  
SKUPŠTINE KANTONA SARAJEVO**

**Elvedin Okerić**



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-055,  
Fax: + 387 (0) 33 562-210  
Sarajevo, Reisa Džemaludina Čauševića 1

**13/16**



Bosnia and Herzegovina  
Federation of Bosnia and Herzegovina

**CANTON SARAJEVO  
ASSEMBLY**

**Odbor za javna priznanja  
Kantona Sarajevo**

Broj:01-04-4176-5/25  
Sarajevo, 03.04.2025.godine

Na osnovu člana 4.stava 1. i 3. i člana 6. stav 1 Zakona o javnim priznanjima Kantona Sarajevo, ("Službene novine Kantona Sarajevo broj 2/10-Novi prečišćeni tekst"), Odbor za javna priznanja Kantona Sarajevo, na sjednici održanoj dana 03.04.2025.godine, donio je jednoglasno

**ODLUKU  
O DODJELI PLAKETE  
KANTONA SARAJEVO**

**I**



**JU Sarajevska filharmonija**, dodjeljuje se Plaketa Kantona Sarajevo, kao priznanje za izuzetan doprinos razvoju muzičke kulture i umjetnosti u zemlji i svijetu.

**II**

Ova odluka dostavlja se Skupštini Kantona Sarajevo na verifikaciju.

**PREDSEDavajući ODBORA**

**Elmedin Okerić**



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-055,  
Fax: + 387 (0) 33 562-210  
Sarajevo, Reisa Džemaludina Čauševića 1

12/16

Vibor Handžić

Odbor za javna priznanja Kantona Sarajevo

**Predmet:** Prijedlog za priznanje Plaketa Kantona Sarajevo.

Poštovani,

Odboru za javna priznanja Kantona Sarajevo za priznanje Plaketa Kantona Sarajevo predlažem **JU "Sarajevska Filharmonija"**.

Obrazloženje:

Sarajevska filharmonija prvi je profesionalno organizovan simfonijski orkestar na području Bosne i Hercegovine. Od 1923. godine, postojanje ovog orkestra predstavlja jedan od stubova muzičke kulture i instituciju od fundamentalnog značaja za sarajevsku i bosanskohercegovačku sredinu. Brojeći decenije djelovanja u sredini gdje se društvena dešavanja nemilosrdno odražavaju na kulturne prilike, Filharmonija je nekoliko puta bila primorana iznova ispisivati stranice svoje historije.

Prve ideje o formiranju jednog profesionalnog ansambla u bosanskohercegovačkoj prijestolnici koji bi izvodio umjetničku muziku potekle su iz Oblasne muzičke škole, te je formiran Kvartet Filharmoničkog udruženja sastavljen od nastavnika škole. Prvi koncert održan je 15. 04. 1920. u dvorani kina Imperijal. Ovi mali, ali značajni koraci vodili su do održavanja osnivačke skupštine Sarajevske filharmonije tri godine kasnije. Za prvog predsjednika imenovan je Bogdan Milanković. Pod krilaticom „što više i što bolje muzike“, krenulo se s realizacijom kako bi novoformirani ansambl što prije počeo s aktivnostima. Prvi koncert održan je 24. oktobra 1923. godine.

Zbog ratnih dešavanja (1941-1945), Filharmonija obustavlja rad. S aktivnostima nastavlja 1948. kada su definisani osnovni zadaci i nastojanja da se izvode simfonijska djela domaćih i stranih autora, da se podstiče stvaranje novih djela simfonijske muzike, doprinosi uzdizanju kvalitetnih muzičkih umjetnika, zadovoljavanju kulturnih potreba građana kroz saradnji s drugim institucijama u svrhu podizanja muzičke kulture i razvoja muzičkog života.

Godina 1992. označila je početak agresije na Bosnu i Hercegovinu i destrukciju svega što je građeno prethodnih decenija. Tako je i Sarajevska filharmonija prekinula sa radom na dvije godine i pri tome pretrpjela velike materijalne, ali i ljudske gubitke. Svojevrstu prekretnicu u radu Filharmonije predstavljao je koncert održan 19. juna 1994. godine kada su pod dirigentskom palicom slavnog Zubina Mehte u razrušenoj Vijećnici izveli Mozartov *Requiem*. Kao solisti nastupili su Jose Carreras, Ruggero Raimondi, Cecilia Gasdia i Ildiko Komlosi. Nakon završetka rata, Sarajevska filharmonija se obnavlja u kadrovskom smislu i ostvaruje značajne nastupe u zemlji i brojna gostovanja u inozemstvu. Direktori Sarajevske filharmonije u ovom periodu su bili: Emir Nuhanović (1995–2008.), Samra Gulamović (2008-2016.), Samir Lokvančić (2016-2022.) i Vedran Tuće (2022- ).

I danas Sarajevska filharmonija nastavlja težiti ka ciljevima postavljenim u začetku svoje djelatnosti ostavši tako jedan od svjetionika kulturne scene i svakako jedna od najvažnijih karika u lancu sarajevskog i bosanskohercegovačkog muzičkog života. Svoj 100. rođendan Filharmonija je proslavila Gala koncertom u Narodnom pozorištu Sarajevo u oktobru 2023. godine sa slavnim maestrom Riccardom Mutiem, dok je prethodnu koncertnu sezonu završila koncertom koji je predvodio maestro Zubin Mehta, 30 godina nakon koncerta u razrušenoj Vijećnici 1994. godine.

Član odbora za javna priznanja Kantona Sarajevo

Vibor Handžić